

UNIVERZITET U TUZLI

Broj: 01-34-JN-8/19

Tuzla, 02.09.2019. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-34-JN-7/19 od 31.05.2019. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

O D L U K U O IZBORU NAJPOVOLJNIJEG PONUDAČA

I

U okončanom otvorenom postupku javne nabavke laboratorijske opreme za Fakultet elektrotehnike Univerziteta u Tuzli u cilju realizacije projekata ELEMEND izabran je ponuđač "Elur" d.o.o. Kiseljak sa ponuđenom cijenom od 48.000,00 KM bez uračunatog PDV-a, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je po svim svojim elementima, uključujući i ponuđenu cijenu, prihvatljiva za Univerzitet.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku laboratorijske opreme za potrebe Fakulteta elektrotehnike u cilju realizacije projekta ELEMEND putem otvorenog postupka javne nabavke broj: 01-34-JN-1/19 od 15.04.2019. godine objavljenom na Portalu javnih nabavki "E-nabavke" broj: 795-1-1-19-3-43/19 od 26.04.2019. godine, "Službenom glasniku BiH" broj: 32/19 od 07.05.2019. godine i WEB stranici Univerziteta. U ostavljenom roku ponudu su dostavila dva ponuđača: "Elur" d.o.o. Kiseljak i "Bsmart" d.o.o. Sarajevo.

Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila slijedeće:

Ponuđač "Bsmart" d.o.o. Sarajevo nije dostavio dokaz kako je je zahtijevano tačkom 3.4.1 tenderske dokumentacije. Naime, ovaj ponuđač je dostavio Rješenje o registraciji sa datumom izdavanja 27.09.2017. godine što je starije od tri mjeseca od datuma objave obavještenja. Tenderskom dokumentacijom u tački 3.4.1 jasno je navedeno: *Dokaz se dostavlja kao ovjerena kopija originala, s tim da datum izdavanja originala ne može biti stariji od tri mjeseca računajući od dana objave obavještenja.* Dalje, ponuđač nije dostavio dokaz zahtijevan tačkom 4.1.o) Tenderske dokumentacije i Napomene pod rednim brojem 4. Obrazaca za cijenu ponude jer u ponudi nije dostavljen katalog za ponuđenu opremu niti su navedene poveznice na internet stranice sa opisanim tehničkim karakteristikama navedenog proizvoda. Takođe, ponuda ovog ponuđača nije pripremljena na način kako je opisano u tački 4.2 tenderske dokumentacije, odnosno ista nije uvezana na način da se onemogućiti naknadno vađenje ili umetanje listova. U tenderskoj dokumentaciji u tački 4.2 jasno je navedeno: *"Ponuda se čvrsto uvezuje na način da se onemogućiti naknadno vađenje ili umetanje listova ponude. Ponuda mora biti čvrsto uvezana i sve strane ponude numerisane. Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom."*

Zbog naprijed navednog ponuđač "Bsmart" d.o.o. Sarajevo ocijenjen je nekvalifikovanim a njegova ponuda da je odbijena kao neprihvatljiva.

Ponuđač "Elur" d.o.o. Kiseljak dostavio je sve dokaze zahtijevane tenderskom dokumentacijom čime je dokazao da je kvalifikovan za dobro obavljanje posla, a ponuda ovog ponuđača je po svim svojim elementima, uključujući i ponuđenu cijenu ocijenjena prihvatljivom.

Budući da je ponuda ponuđača "Elur" d.o.o. Kiseljak u svemu zadovoljila postavljene uslove Komisija je dala prijedlog Direktor za ekonomske poslove Univerziteta u Tuzli da istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta u Tuzli je prihvatio preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerzitet u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-34-JN-7/19 od 31.05.2019. godine

DOSTAVITI:

1x učesnicima

1x a/a

DIREKTOR ZA
EKONOMSKE POSLOVE

Fuad Čerčić, MA ekonomije

